

浮山縣志卷之三十三

寺觀

二氏之學儒者多排擯弗載乃琳宮梵宇綿代輝煌而浮山之照灼簡編者且繇天聖玉兔諸宮寺顯昔太史公敘六家獨推尊黃老裴晉公捨其宅為禪室二公賢者且如此豈竺乾苦縣之業有卒難毀廢者耶志寺觀

羅漢寺

在縣西街大德七年地震圯僧法安法隱重修規模宏麗朝賀習儀於此

玉兔寺

在縣西南十里故縣村神山縣廢城也唐武德二年平陽西北今汾西地有玉兔見遣使祭之

浮山縣志

卷之三十三

寺觀

一

勅建玉兔觀麟德初兔復見勅增修萬歲通天二年兔又見履空而行遣中使王文泰求獲玉兔偕平陽守杜承衍躬往兔出徐步趨之經數日兔至平陽東神山縣西南隅即今故縣城而隱隱處穿地丈餘獲玉石兔一軀端麗無比上貢后命建玉兔觀於其地長安二年河東路巡按使刑部尚書李景副使王永署平陽守錢光演同遊觀中於風穴山脚下見二僧引十餘巨虎項放白光言此地有虎患吾伏之告以姓氏言訖而化因奏改觀為寺後唐清泰二年正月十八日獵人見玉兔入穴掘之見庵門啓視容像如生有羅漢現身記元大德七年地震寺廢僧法雲重修至正五年邑人段昞撰記明洪武間置僧會司改置羅漢院弘治間僧昌能重修邑令趙資隆記寺有宋明道二年僧靜萬集王右軍書賈昌朝王隨詩按萬歲通天二年九月始改神功元年故有二年

大義寺

在縣西南二十里張堡村金大定二十九年建元至正間僧圓印修乙未春重粧佛像捐粟穀

一百石地四畝

詳見道行碑

天聖宮

在縣南三十五里羊角山之麓唐武德二年二月老子見於大樹下衣冠儼若鬚髮皓然白馬

在前青童侍側謂里民吉善行曰吾唐皇帝之遠祖也言訖不見遂詣長安奏聞命左親衛都督杜昂於

羊角山致祭老子再見復命有司於其地建祠改羊角山為龍角山并改浮山縣為神山縣開元十四年

詔改慶唐觀御書額及碑文賜之命高力士董修前老君殿次三清殿又次三皇殿內有六聖御容後唐

長興中增修宋景德二年二月甘露降殿栢白鶴來翔勅建前後三門道院行廊大小三百餘間天聖五

年詔改觀為天聖宮大中祥符七年遣宰相王旦奉玉册玉寶上徽號曰太上老君混元上德皇帝八年

浮山縣志

卷之三十三

寺觀

二

古柏別生槐高一丈有奇觀東南峰有洞唐大曆中嘗勅以玉簡金龍投其中至晉天福間有奉使新羅

者至其國見二寶出水中還長安表進內有唐金錄齋頌碑觀有古柏千株郡東第一勝境附錄唐高宗

自以李氏老子之後命樂工製道調詔道士司馬承徵製元真道曲茅山道士李會元製大羅天曲工部

侍郎賀知章製紫清上聖道曲以合奏於慶唐之觀及太清宮成太常卿韋縉製景雲九真紫極小長壽

承天順天樂六曲亦偕奏焉乾隆二年邑舉人張大統倡捐重修

清微觀

在縣西北五里宋元祐七年建有記

修真觀

即洪禧萬壽宮在縣東十五里大衛村南宋理宗時建元至元年碑記畧曰集虛真人蓋志

勤有門弟子孔志純家世浮山大衛山之別墅祖莊具在壬辰正月相與適彼開闢耕稼至甲午正月二

十一日值志勤誕辰遠近咸集里人馬英
惟家之故址崗雄勢埲匪俗家可居願施為焚修之
所志勤請額于清和尹真人名曰修真辛丑鄉舊郭
復施附觀祖基然後顧度形勢與之更始九經營數
年殿宇廊廡及諸寮舍胥極壯麗云又元大德四年
道士王志卓復請改額干弋逸張真人曰洪禧萬壽
宮翰林學士知制誥同
修國史廣平王德淵記

龍祥觀

在縣東南舊有天壇三清廟歲久傾圯大定乙
未行縣石抹安遠公自并監軍移率是邑親歷
其地周覽遺址詢之鄉進士劉著知為天壇勝跡出
俸粟二十斛倡建邑人張敏張宜楊道清龐和等佐
成之太和壬戌正月晦日將仕郎隰州縣主簿段
時可記

寧真觀

在縣西八里辛村元延祐七年建明洪武間置
道會司後併洪禧二真龍祥太清太華五觀入

焉